


PUNTS è online cun in nov vestgì

■ L'ediziun nr. 172 da la gasetta giuvna na vegn questa giada betg sco usità tar ses lecturs e sias lecturas – be cun in flyer che animescha da seser davant il computer. A partir da Nadal sa presententa PUNTS cun ina nova pagina web. La gasetta giuvna rumantscha posseda ina nova pagina web. La nova pagina duai porscher dapli divertiment e pussaivladads d'activitad per la redacziun e per ils visitaders. Ultra da quai duai la pagina web esser in cumplement a la gasetta stampada. Per exempel po ins responder a la dumonda dal mais u guardar maletgs en il «bitsch da la musa» che duai furmar ina pitschna galaria per giuvens artists. E nova è era la columna online: Là pon ins leger da Veronica e sia vita verda, da ses cumbats cun peschs ed ormons, igiena e liongias. Dapli da la gasetta PUNTS sin www.punts.ch.

N'avais Vus nagin internet per ans contactar, ma tuttina gust da leger las PUNTS? Lura dumandai per in exemplar a: *Silvana Derungs*, Cons, 7115 Surcasti. I dat dal reminent era l'abunament d'emprova da las PUNTS per quels e quellas che na vulan betg cumprar il giat en satg.

La redacziun da PUNTS



Il frontispizi da PUNTS 172.